



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

De redditibus infirmariæ.

**urn:nbn:de:hbz:466:1-13591**

etiam priuilegio sequens clausula continetur in hæc verba: In parochialibus etiã Ecclesiis quas habetis liceat vobis quatuor vel tres de Canonicis vestris seu minus ponere, quorum vnum diocessano Episcopo præsentetis, qui ei de spiritalibus, vobis autem de temporalibus & de ordinis obseruantia debeat respondere, Si qua igitur &c. Nos autem vobis humiliter supplicamus, quatenus ob amorem Dei & ordinis reuerentiam illum de Canonicis Ecclesia *Osterhouen.* quem Abbas & Conuentus eiusdem loci ad curã ipsius parochiæ duxerint præsentandum benigne & liberaliter, admittatis secundum formam priuilegij supradicti. Valeat bene & diu vestra paternitas reuerenda. Dat: *Præmonstrat:* in Capitulo generali, anno Domini M.CC.LXIII.

Relaxatio Iuris Ciuilis in *Mulpeunt &*  
molendino.

NOTUM fiat inspectoribus præsentium vniuersis, quod ego *Ortlibus de VVinkel*, Ecclesiæ in *Osterhouen* redditus LX. den. quos de molendino ad eandem Ecclesiam pertinere in *Chrems* sito, expectabam iuris ciuilis titulo annuatim, pro animæ meæ remedio accedente omnium hæredum meorum spontanea voluntate delegavi perpetuo hac spe ductus, quod ratione delegationis prætaxatæ non solum inter eorum benefactores me ascribi faciant, immo in curia eorundem *Chrems* quotiens in eadem me contigerit pernoctare cum ad aptationem lignorum ac etiam lectisternorum commodum mihi ordinent & disponant. Vt autem facta pro me delegatio prænotata in æuum permaneat inconuulsa, præfens instrumentum appensione sigilli mei in robur & testimonium euidentis est munitum testib; annotatis quorum nomina D. *Irnsfridus* Can. Pat. Decan<sup>9</sup> *Chremens*: D. *Rapoto*, Dominus *Herm annus*, *Chunn*. Prior, *Sifridus*, *Rudolfus* *Raechio*, *Folckmarus* fratres Ecclesiæ prænotatæ, *trater Chunn*. procurator in *Chrems*, *Chunn*. Notarius Decani *Chremen*, Dominus *Rapoto de Valchenberch*, *Wernhardus*, *Ratoldus*, *Ludovicus* de *VVinkel*. *Gozzo* iudex in *Chrems*, *VValchunus*, *VVurko*, *Isaizmannus* *Hervvicus*, *Chunn*, de *Hedrestorff*, *Pilgrimus* in foro ciues *Chremen*. Acta sunt hæc *Chrems*, anno incarnationis verbi M.CC.LXIII. Non. Octobris, præfidente Ecclesiæ in *Osterhouen* venerabili Præposito *Alberto*, Domini *Ottonis* Episcopi venerabilis anno IV.

De redditibus infirmariæ.

IN nomjne sanctæ & indiuiduæ Trinitatis, patris & filij & spiritus sancti, Amen. Quia propter infirmam hominum memoriam rite & bene determinata in obliuionem veniunt, & sic quandoq; vel totaliter pereunt vel litigiosa fiunt, ne id in præfenti negotio contingat, placuit ipsum litterarum apicibus perpetuæ memoriæ commendare. Nos igitur *Chunn*. Dei gratia *Osterhouen*. Ecclesiæ humil. Præpositus, & eiusdem loci Conuentus, notum esse cupimus tam præfentis ætatis, quam successuræ posteritatis omnibus Christi fidelibus, qualiter Deo deuotus Sacerdos, Dominus *Reinoldus* plebanus in *Regen* dilectus ac fidelis Ecclesiæ nostræ amicus, pie deuotionis affectu notissima sua misericordiæ cupiens operibus, præuenire secundum dominicam ammonitionem: Estote misericordes: & illud: B. misericordes, quoniam ipsi misericordiã consequentur. Duas vineas nostras *Wartperch* & *Windleit* penitus incultas & dirutas tali conditione sibi asciuit recuperandas, vt temporibus, suis illarum vinearum prouentu potiaratur, nil inde persoluens, nisi quod sibi Dominus inspirauerit: ipso autem rebus humanis excedente ad infirmariã domini nostræ quã de nouo instituimus prædictæ vineæ pleno iure quo ipse tenuit deuoluatur. Præ-

tur. Præterea assignauit nobis XXVIII. lib. monetæ Ratisponen. pro comparando prædio quod possit annuatim soluere duas libras quarum sibi dimidia pars, videl. vna lib. cedat, ad infirmariam verò reliqua pertineat, post obitum, verò ipse prædicti redditus ad domum infirmorum plenarie pertinebunt. Nihilominus autem, vt eadem domus necessitatibus fratrum debiliū comoda valeat construi, quinque lib. nob. obtulit, petens vt quicquid deliquit misericordiæ operibus expietur. Cæterum perpendens illud, Dum crescunt dona crescit simul ipsa corona. Duas lib. addidit pro comparandis IV. vaccis in caseis & lacte infirmis & minutis fratribus profuturis. Nos igitur cum desiderijs suis non possemus ad præsens in comparando prædio satisfacere, curiam nostram, in Oxigen à prædecessoribus nostris emptam loco præfati prædij tantundem, soluente assignamus eidem donec Deo volente aliud emere valeamus. Attendentes verò tantis redditibus eandem domum difficulter posse subsistere, compassionem naturæ induciti, & promissæ nobis patriæ cupientes gloriam consequi de cōiuentia fratrum nostrorum communi consilio de redditibus claustrī ordinauimus atque statuimus per nos & successores nostros singulis annis dari ad eandem domum XII. porcos valentes tria talen. vel eosdem den. & omnem decimationem carniū, tam intrinsecus quam extrinsecus totius nostræ parochiæ infirmis fratribus ac minutis. secundū discretionem Prælati eiusdem domus prouisoris, salua ordinis forma statutis temporib. misericorditer profuturā. Ad instantiam verò prædicti Domini *Reinoldi*, frater suus Dominus *Perchtoldus de Perndorf*, pro remedio animæ suæ dedit ad eandem domum quoddam prædium in *Christorf*, quod soluit annuatim dim. lib. & xenia, & Domina de *Horbach* ordinauit decimam in *Reispach*, quam nobis maritus eius dominus *Chunradus* restatus est dari prædictæ domui mod. tritici censualem, & altilia de eadem Curia profutura. Ne quis igitur successorum nostrorum hanc nostram ordinationem, piāque præfati viri eleemosynam villo modo audeat violare, sub interminatione extremi iudicij inhibemus, adiungentes vt de præscriptis redditibus annuarius patris sui & suus singulis annis quanto honestius cum dimid. lib. poterit celebretur. Vt autem talis nostra ordinatio, & sæpediti viri procuratio firma & inconuulsa perpetuis temporibus conferuetur, præsens scriptum exinde confectum sigillis talibus: videl; Domini Abbatis de *Wimberg*, & patris abbatis domus nostræ prælati de *Vesperch*, nec non & nostro & Capituli nostri, ac ipsius plebani de *Regen* iussimus roborari. Acta sunt hæc anno incarnationis Domini cæ M. CC. LXVII. XII. Kal. May. Indictione XI.

#### Arbitrium inter *Altahen*. & *Osterhouen*.

PER præsens scriptum pateat vniuersis, quod cum homines villæ de *Munichdorf*. ex vna parte, & homines villæ de *Wizzenfing* ex altera semper in tertio anno tunc videl: quando Campi vtriusq; villæ sibi oppositi sine semine iacent, quod vulgo dicitur *Trat* diuersa iurgia fierent, assententibus hominibus de *Munichdorf*, quod pratium interiacēs illis campis tunc deberet ad eorum pascua pertinere. Illis verò hominibus de *Wizzenfing* assententibus, quod ipsi tunc sicut in prioribus duobus annis deberent ipsum pratium ab omnibus pascuis custoditum falcare. Tandem nos *Hermannus* abbas in *Altach*, & *Chunr.* Præpositus in *Osterhouen*, cum consensu venerab. Abbatissæ de *Obernmyenster* per litteras eius porrecto, ac etiam nobilis vir de *Hals*, bonorum vtriusq; Monasterij in illis partibus aduocatus, cum multitudine, proborum hominum, in prato conuenimus memorato & per arbitrum in sedecim personas ex vtraque parte promis.